

四庫全書

集部

欽定四庫全書

集部

江湖長翁集卷

十九  
二十

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣沈毓鳳

欽定四庫全書

江湖長翁集卷十九

宋 陳造 撰

七言絕句

次韻楊宰汲泉浸梔子花

山行不識小人羨，但有清寒餉瓦瑩。  
想見雪膚陪獨夜，世間無比長官清。

次韻張守三首

史君治惡子  
邦人快之

頻歲中田苦螟螣，為渠秉畀作豐年。  
只今鼠子誅求地，

巷議街談一粲然

平時漫詫跳梁去末勢寧逃死棄如但遣鯨鯢絕吞噬  
茫茫春澤盡嘉魚

虐天子子是無天謫一何妨惠億千聞道蜎中猶滑渙  
可偕五細尚窮邊

次韻張守四首

守出郭回

畫舫前頭碧湛空晴雲低影更溶溶橫陳景物無央數  
盡獻詩翁阿堵中

新詩囊錦墮春窓  
旋炷銅爐百和香  
試握毛錐支勁敵  
獨憐赤手強扶瘡

舟凌清泚轉彎環  
立鷺馴鷗拱挹間  
還憶苔溪聽鳴櫓  
歸來清夢定家山

葱青嘉樹被平崗  
素艷丹葩半在亡  
安得芳春并好客  
一時難老倚玄霜

慶元冬再到盱眙四首

虎頭山下參天柳  
親見栽時共我長  
柳自摧殘人自老

半生不抵熟黃梁

平日朝京此問途如今一水剪坤輿客來羨殺閑鷗鷺  
北翥南飛得自如

醴筵曾作二年留靜鎮人今郭細侯望斷江南空夢到  
西風斜照白楊秋

日行犖确面孱顏舊慣山居意易闌見說烟雲暝嶮嶮  
北人爭指畫圖看

閑居十首

營隙地頗事栽種隨遇作  
一詩前後不同故無倫次

雪雲脫壞漏朝陽風物橫前引興長紅糝紫鞋今次第  
遷鶯來燕費商量

種桃接李不辭勤旋作花前把酒人羨殺文禽映花語  
飛來趁得見成春

春來敢自貸衰慵正要檀欒間白紅愛竹劣留枝策徑  
灌花分破著書功

僊僊弄影俯瓊瑤月地香紅苦見撩清夢定為蝴蝶去  
杏花繁處宿良宵

破曉東風尚作寒  
孤筇隨客已嬾姍  
絕知蚤起非吾事  
要趁梨花帶露看

步屨歸來未覺勞  
迎門喧笑問兒曹  
笑翁渾似魚千里  
小圃周圍日幾遭

閉關不為賞心闌  
咫尺東園到自難  
斟酌東君惜春色  
破除十九作陰寒

病減還思近麴生  
嚼花嗅藥對空瓶  
不應斗酒錢三百  
猶惜春衣耐獨醒



桃李爭先不待催  
梅花轉首已青苔  
即今蜀種胭脂樹  
壓倒羣芳尚嬾開

寒食清明一箭過  
晚晴庭院綠陰多  
兔葵燕麥易輕脫  
紅藥碧桃須孰何

趙園飲三首

不謂東君雨後春  
尚多紅紫待遊人  
天香更有西京種  
來伴賓筵笑臉新

收藏春色駐年華  
珍重王孫好事家  
肯挽歸驂共良夜

一天風露一林花

酒邊容角少年狂扶路歸來興未央  
羨殺雄蜂雌蛺蝶  
月膏烟膩宿花房

客夜不寐四首

久客情悰苦鮮歡園林搖落菊花殘  
北風作意吹霜曉  
又報江梅一信寒

陣鴻轆轤上雲衢夢欲成時每破除  
少睡更堪寒夜永  
新來熟過少時書

清樽黃卷交期絕  
芋火前頭老嬾殘  
賴有平生短檠在  
一燈明滅伴更闌

飛騰志意老來休  
却聽鷄聲吟掉頭  
催雪憶梅還得句  
到家準擬阿儒求

題九老圖二首

涼亭燠館塵埃外  
野鳥溪花俎豆前  
但愛林泉映華髮  
豈知勛烈載青編

帝憐憂國許歸田  
猶得幽居俯澗瀍  
應笑詩人賦招隱

茹芝帶索只懼僊

題行山圖

溪山無處著纖塵  
翠壁蒼漪襯月痕  
可惜人間清絕地  
葦間漁父與平分

江行四首

帆飽舟輕去若梭  
平生忠信傲風波  
忽然隱几驚揺兀  
知是那吒石畔過

舟鷗凌乘著羽翰  
攤錢三老喜安閑  
江豚白鯢欺人甚

噴浪跳波帆影間

遠近青山不辨看  
翩翩征鴈敢爭先  
船頭起浪風頭孰  
不假驂鸞自半僊

帆桅飛去劃空明  
人倚東風兩翼生  
世事快人如此否  
日斜三百不留行

到房交代招飲四首

躡盡巉巖氣未蘇  
悔來坡下獨長吁  
一觀烟霧南山面  
從昔名坡信厚誣

簷外浮嵐暝翠堆道人親眼為渠開  
食錢官簿何須計直為南山亦合來

勝日山堂共一樽未妨窈窕對嶙峋  
髻分翠影眉爭綠人與南山各可人

妓圍簷額潤空青岫幌雲闌夜不扃  
吏隱風流輸我輩可須逋客詫山靈

再次韻四首

山好能令肺病蘇詩來把玩更驚吁  
蜀人例作殘山看

端喜因詩免受誣

語不能工恨作堆撚髭空對翠屏開清吟賴有雕龍手  
繡段聯翩詔後來

犖确悍頑經數驛醒然初挹碧嶙峋眼明驟與真山晤  
不比逃虛見似人

山色陰晴遠更青誰教睥睨枕巖扃詩翁意欲移千步  
安得朱符祝巨靈

公云山甚佳惜  
不更遠二三里

再次交代韻四首

筆力潛窺大小蘇詩傳諸老定噉吁從今訂價連城重  
政使羣兒有善誣

昔夸石廩祝融堆劣見人家畫軸開坐挹高寒吾願足  
此行似為此山來

環秀亭中命渌樽雲煙明滅映嶙峋佐州不喜分風月  
喜與南山作主人

詩人妙思天同巧鬼守玄關不及扃閑挹山光誦奇語  
斷無塵滓溷襟靈



再次交代韻四首

嗣皇仁覆物昭蘇  
臯自陳謨鯨自吁  
聞道諸公扶國論  
須君左袒訂邦誣

今朝著我簿書堆  
領客樽壘未辦開  
始信南山是知己  
露竒呈秀斬關來

漫叟當年曰作樽  
侑樽青嶂漫嶙峋  
與君屢共山前醉  
似覺清歡勝昔人

傳聞洞府鎖高青  
探著詩成數啓扃  
相見羣仙書玉葉

更應交口歎精靈

再次韻四首

君家詩價自姑蘇，系胄蟬聯世喁吁。欲把阿元輕輩行，

古今俗子喜相誣。

世稱韋郎萬立方，謂士元非韋比立說甚嚴見韻語陽秋

眼底薔薇玉雪堆，過從休待牡丹開。送春疎酒山應笑，

底用奚囊日往來。

是日同小酌

視草行看賜上樽，濁醪付我酌嶙峋。扶攜誰共山前醉，

從此無君度外人。

詩愁磨盡鬢邊青  
玄鑰無施閉理扃  
牛渚錦官祠廟古  
辦香儻格在天靈

復次韻四首

諸李辭章推李白  
何來蜀道賦噫吁  
房陵山險猶如許  
石穴已邛定不誣

昔上瞿塘豔預堆  
盤渦如井放船開  
山行歡喜今非錯

備見梢瀆擎游來

地有錯  
歡喜山

十里髻鬟誰綰結  
半天蒼翠自嶙峋  
教兒莫憚依山住

閣領裁衣盡土人

病肺還孤竹葉青

房酒頗佳

小園春去尚深局春衫紅藥強

相比婢子可憐無性靈

襄陽二首

自憐薄宦走紅塵相見山靈厭俗氛  
咫尺峴山無計到  
祇應飛雨是移文

採藥仙人去不還鹿門山翠鬱孱顏  
霜髯尚困卑官縛  
自問胡顏上此山

春陰二首

連連麥浪搖空闊  
挺挺松幢舞暝寒  
眼底春工餘幾在  
更堪風雨苦摧殘

園林桃李已無餘  
雨挾春寒擅曉晡  
芍藥紅慙猶料理  
海棠嬌甚可枝梧

祈雨而應范簿有詩次韻四首

蒼黃日日冒黃塵  
敢意誠通主雨神  
曉起遽聽沾足報  
天心政爾念疲民

辦香親謁睡巖龍高卧逶迤豈自公巖下望龍須一怒  
何來作止繫凶豐

久無音信日邊來憂國誰憐愴老懷想見天顏歡喜甚  
鴛鴻入賀滿堯階

山城粗滿望霓心老去私憂念自深更祝今宵繼疇昔  
併煩魯史紀為霖

漢江岸二首

一自陽侯戰雨師棗畦桑隴但空陂此君屹立如尊勇

依舊青青似昔時

沙隨秋漲漫川原  
沙外人家盡毀垣  
寄語飢羸莫深恨  
西人無數飽魚黿

題驛舍二首

客到淮鄉話楚鄉  
長將天末指襄陽  
如今漂泊君休問  
又過襄陽十舍彊

官曹有底著迂疎  
祇合江湖老釣徒  
萍梗可能忘在莒  
蓴鱸祇有夢歸吳

呈程帥五首

平輿陸海吸潘江羽扇雍容築受降許蔡衡湘全楚地

了知邾鄆不成邦

坡詩北行連許蔡南去極衡湘楚境橫天下懷王信弱王

景物橫前祇費才何妨折簡喚鄒枚連朝積雨前宵雪  
總為催詩陸續來

不將杯酒破衰顏  
月凌風取鬢班雋永要同無味味  
雕搜聊樂不閑閑

客間久欲賦歸歟  
歸去何人為起予  
平日嘔心空子墨



羨公落筆便黃初

一樽規度雪寒朝  
小輟鳴弓抗射鵰  
未用軍書送巾幘  
故人祭竈有佳招

程帥寄詩見憶次韻四首

擾擾飛潛易陸沉  
化工刺手斬然新  
飲光一笑知誰繼  
試把玄機舉似人

清篇屬我慰平沉  
密密玄關領會新  
從此倚門麾捕影  
更將形似許詩人

車笠何人記舊盟  
惟公不作白頭新  
渠儂欲識九華伯  
可但詩壇第一人

子雲屬思舊深沉  
脫手清詩語意新  
天上黃陳應首肯  
授公此柄淑諸人

六絕句呈趙帥兼簡鄭機宜

二公同  
乙未榜

南徐把酒送行行  
話我漂零倍愴情  
屈指六年纔一夢  
更消幾夢了浮生

玉筍班中第一流  
冰花影裏醕瓊舟  
來遲輸與花前客

袖手看公筆不休

鴈塔題名盡俊賢即今十八卧重泉  
合離榮瘁何須較  
強健相過是半仙

宦路平時欲陸沉先生誨語每南金  
長庚配月空回首  
古井無波已此心

蒲鞭閭東久停橈幕府人閑早放衙  
頻喚羊何把詩筆  
即看姚魏用年華

長日登臨憶侍郎芳時譚笑客凝香  
須公多辦瓊花露

容我時開古錦囊

房陵十首

似聞僊伯厭乘龍常混紅塵市井中覲面未須趨避我

褰衣無計趲尋公

房人謂巧避云趨避力尋為趲尋趨七靴反趲音數

陰晴未敢捲簾看苦霧濛濛鼻為酸政使病餘剛制酒

一盃要敵滂朝寒

晨起霧久乃開土人目曰滂朝

雲壇歌舞雜嗟吁下酉猶濡上酉枯誰謂朝來一拆雨

歡聲已覺沸通衢

潯水溉曰酉得雨曰一拆雨

竹屋高低正復斜蔚藍影裏著人家底消山峽三分瘴

爭課廬仝七椀茶

土人晨飲茶云勝山嵐氣又曰防三分瘴

夏田少雨富來年多雨何妨穡事秋已戒日供皮子麵

更教晚稻飽霜收

麵皆糝不糝者曰皮子麵稻待霜乃收曰飽霜米

跨牛待得夕陽回在處諸姝笑口開已借蠟錢輸麥稅

免教緝捕闔門來

弓手下鄉目以緝捕

杯酒清濃肉更肥咸言趁社極歡嬉丁寧向去坐年日

要似如今斂脯時

年日飲食曰坐年社日曰斂脯

農閑閭里有逢迎白飲傍邊骨在羹老稚不妨頑過日

邊頭難得是升平

俗謂戲曰頑羹曰骨在

刈罷秋禾未敢慵更須趁逐過殘冬城中竹筴今年貴

鹽茗新來免闕供

賣枯竹供爨曰竹筴古巧反

翁媪同圍老瓦盆倒篲新酒雜清渾規南規北皆春社

且放烏犍卧晏溫

村落所聚曰規

### 春寒六首

掃雪堦頭曉未乾東風作惡鼻仍酸西園點檢江梅後

祇有櫻桃不避寒

稍稍春光到眼中  
衝寒試與小檣筇  
杏花已尾櫻桃折  
正要深紅間淡紅

衰年心緒自低摧  
可是青春昧一來  
幾日不教書作祟  
為留病眼向花臺

去年秣地傷秋潦  
春酒澆醺不可親  
紅樹梢頭山鳥語  
祇應笑我獨醒人

清明寒食經旬是  
笑問風寒更幾餘  
小杏惜香春恰恰

新楊弄影午疎疎

平明欲斂雲復厚薄晚未休風更顛老怯春寒不宜出  
下帷添火擁書眠

同沈守勸農十首

誰似青君用歲華徧分春色到幽遐房陵遠近山千疊  
到處東風到處花

門橫石瀨激潺湲兩兩人家柳映門花影澹紅山影碧  
客行疑到武陵原



行遍西阡更北村  
檀欒處處綠梢雲  
官身未敢山間宿  
可得排門謁此君

共扶翁媪看行軒  
亦有娉婷立道邊  
侵鬢黛眉唇淺注  
鈿璫勻瑩茜裙鮮

沉炷茶鐺且翠微  
歸軒何惜小逶迤  
晴天璧月今宵好  
待得金波泛夜時

紅旆朱轡得暫陪  
端知非為踏春來  
即今歸馮班如意  
定被山花野鳥猜

林花斷續碧溪長好在冰奩照靚粧  
泛膩流膏知遠近  
未妨粉水更添香

病來止酒似淵明潘岳歸田賦已成  
布穀催耕如見諭  
提壺勸醉更多情

抖擻平時簿領塵偷閑來作看花人  
從今日作花間去  
已費今年一半春

露粉煙香細孰何荆扉竹徑喜經過  
陽和若作留連計  
誰遣飛紅掃更多

不寐二首

改遍年來所著書依然幽夢隔華胥寒更何與衰翁事  
數到瑤拚殺點餘

追思可樂是丁年日力孳孳有食眠頭觸屏風祇燈後  
慈親笑勸掩陳編

觀山四首

予創小亭觀山五月十八日偕客遊是日晴而雷防雨先歸三月亦為此

遊晴出雨歸坐此小不快蓋憊此也二十六日滿罷而去因作此紀之築亭所委張道堅也

晴春載酒小徘徊  
修作衝泥冒雨回  
畢竟山靈嫌俗駕  
即今還殷阿香雷

每從迫隘面孱劣  
比緣牆見髻鬟好  
在此亭同把酒  
與君全體看南山

山如豪俊畧方隅  
傲睨驕蹇未受拘  
為著孤亭凌縹緲  
至今端委正衙趨

道人動作千年調  
京兆纔餘五日留  
此去浮圖桑下意  
得無追憶費冥搜

郢州守風二首

驚風清旦捲黃沙  
薄暮蜚雲尚砲車  
今夜石城樓上角  
不妨重聽小梅花

甕盎轟飈恣擊撞  
珮環時亦奏鏗鏘  
風濤欲靜猶須怒  
一付天吳自抑揚

過呂仙洞四首

神遊八極此焉歸  
紫府天寬石作扉  
倦客重來炷沉燎  
轉頭六十七年非

天人蛻迹便天飛  
混迹塵凡世得知  
歲歷七朝踰六百  
朝朝冷眼閱行尸

嵌巖中有玉為壺  
不作嵇生守煨燼  
玩世肯嘗東老酒  
翻身時過洞庭湖

塵蹤了鳥病催殘  
夢謁真人九轉丹  
已熟浮生枯骨觀  
更悲凡質遇天難

書事二首

壯年膚骨已清臞  
老去支離轉不如  
二十七年扶病過

半緣耽酒半耽書

苦吟添滿鏡中絲  
課效全輸博塞嬉  
改就新詩哦百過  
浪言兒輩不須知

客枕不寐二首

老羨平生睡作魔  
矧因多病覆金荷  
起憑曲几頻搔首  
如此迢迢良夜何

嗚喔鄰鷄幾番鳴  
琤撞江浪欲無聲  
擁衾寧復還家夢  
望殺東窓未肯明

次韻郭帥梅三首

客子徒煩賦憶梅  
怯寒未肯臘前開  
定知酒處頻回首  
有待江南信使來

薄遊他日為尋梅  
爛賞菁村十里開  
冰影玲瓏想仍舊  
夢為莊蝶認香來

後乘從公訪古梅  
梢含笑臉未全開  
不妨東閣撩詩興  
未分愁聽起夜來

寄張守仲思十首



一思交好一悲悽楚嶠吳山夢到迷怕說萬山天樣遠  
房陵更在萬山西

詩成跬步遣長鬚江隔郵筒已自疎相望六年無一字  
故人何計慰窮塗

相從軟語說睽離起我清譚更好詩別後憂虞今痛定  
未須細誦悼亡辭

知君喜客我攜雛徑喚郎君到坐隅二子通家仍莫逆  
可憐相對各線麁

衰年淡食當膏腴不為聞韶味有餘  
定自迎門驚骨立可須蓬語及河魚

迂船徑欲一相過安德橋西之字河  
未苦路長寒切骨倚君一笑作春和

珍蔬解佐盤飧飽妙劑真令病骨輕  
鍾乳茈薑皆楚產薦芹聊致野人誠

哀慵潦倒知無用祿邀扁舟昧此來  
滿聽勝譚心已足浩然欲指弊廬回

我方投老嗟多難君亦頻年悼百罹樂事定知神所妬  
把盃追話唱酬時

詩社同盟欲二年吮宮含羽飽周旋儀真又屬風騷將  
定喚閑身續此絃

寄廣教主僧二首

回車半日贊公房香積酥陀不一嘗可但山行休脚力  
免教飢火燎枯腸

麥館銀絲稻薦珠春窓曾是飯伊蒲明朝再蠟登山屐

更肯開單共飽無

題潮出海門圖二首

絕島平岡捲欲空  
兩崖相對屹穹崇  
即今畫手兼詩筆  
更與江山角長雄

卷裏濤波快一披  
蒼山踴起雪山馳  
浮天沃日無窮意  
到我春窓病酒時

再題二首

天吳憑怒鼓濤瀾  
不作閑居卷軸看  
夜半負山誰料得

重来坐失兩高寒

濤頭蜚過不斯須，  
祇合朝昏展此圖。  
緬想海門纔末勢，  
終然畎澮視江湖。

贈淨慈主人五首

肯堂師住明之端巖，予宰定海時為師出不一二云。營庵

鼎山他日委兒輩以家事，約訪師山中為年歲留。竭來行都則受淨慈請為主人，于此予既汨沒而師亦未得歸休也。因寄五絕句。

平時野飯與巖棲，  
忽向皇都作住持。  
見說禪和蜂蟻聚，  
心閑祇似瑞巖時。

炊珠爨桂走門徒，須信高人道不孤。  
政使過門盡侯主，也須拳棒做工夫。

識君方吏虎存邊，已歎疲羸雪滿顛。  
別後漂零怯人問，

窮山往返費三年。

虎存定  
海山名

寺前寺後花如錦，相見遊人撥不開。  
好把春光供一笑，從渠塵鞅浣蒼苔。

師似蜚雲未定居，我方薄宦走江湖。  
鼎山他日過從約，借問今猶記得無。

晝過荷葉浦二首

荷葉浦邊支港多  
兇人出沒土人窩  
故人飯我非留滯  
月黑天陰免夜過

一舟失得闕生死  
中夜何人肆攷攘  
外此湖江多樂土  
憶常通夕聽漁榔

過舟云為賊奪  
舟驚奔幸免

約徐呂二友訪淨慈老二首

先是過廣教寺壯  
丹咸聞不我前後

客主  
大喜

魏紫千葩壓曲欄  
問君何似檐頭看  
城西更有芳菲地

舊約重尋莫作難

人間機巧厭相親  
南道吾今有主人  
誰與清遊聯此轡  
呂兄孺子最真醇

再次寄肯堂韻五首

住山今日得宗師  
妙與緇徒示總持  
衣鉢更緣延客盡  
衲衣包却鄭當時

丈室雲趨彼豈徒  
拳拳此意忍容孤  
即今又舉二三語  
說似當年邑大夫



共譚詩律更譚禪人指昌黎接大顛屏疊葛藤燒筆硯  
息陰休影了殘年

眼向朱門每嬾擡今朝笑口為君開別來却喜人爭席  
浪遣長鬚掃徑苔

好在新居勝舊居右連靈隱面西湖東南勝境誰同領  
我亦閑官一事無

題潘德久侍兒扇

侍兒去而復回

戰塵去眼恨成堆賦客當年浪費才何似天風吹霧鬢

乘鸞新自月邊回

題張省幹扇

前溪天闊渌泱泱溪上詩翁引興長  
安得南風吹小艇吟看千蓋擁紅粧

題臧子儀扇

買鄰千萬許兒賒老子詩成賴指瑕  
門枕醴泉交讓木行人不問識君家

題扇集句五首

寶扇重尋明月影月邊仍有女乘鸞主家陰洞細煙霧  
姑射仙姿不畏寒

庭院深深深深幾許美人絛渺在雲堂落花遊絲白日靜  
錦薦金爐夢正長

竹裏高亭燈燭光月移花影上西廂蔗漿金碗冰盤凍  
始信人間五月涼

自恨尋春去較遲古來四事巧相違如今說着成離恨  
曾為梅花醉不歸

綠槐高柳咽新蟬  
綾扇喚風閨闔天  
見欲掃床懸麈尾  
簾紋如水帳如煙

題扇七首

桃葉渡頭魚噉春  
莫愁堂上燕依人  
玉觴欲舉心先醉  
痛憶當時迹未塵

吳霜有信鏡先知  
楚雨無蹤夢自迷  
風榻燒香作僧過  
羅襟得句為誰題

聞道廣寒修月手  
靜看如鑒忽如眉  
即今扇裏乘鸞女

解笑嫦娥不自持

東絹須題黃絹辭  
老來斲句不能奇  
定知爍石流金日  
記我持觴賞雪時

裁就霜紉未副揮  
濡毫欲下更遲遲  
昔遊尚記蕪湖夜  
把酒中秋見月時

峨眉山北雪極目  
方丈海中冰作壺  
我自鼉輪隨所往  
憐渠局息寄洪爐

廣寒二十五萬戶  
跪奉素娥聽指呼  
落屑欲堆懸圃滿

人間但愛玉輪孤

再次寄肯堂韻五首

夢思遊覽慰哀遲起耐陰寒不自持捉筆把盃吾技癢

可堪袖手過花時

是日早陰暝

道人心地古為徒野鶴昂藏白月孤我亦生來世緣薄

回思昏宦歎非夫

技筇過我海雲邊空谷人聲喜欲顛更喜重逢各強健

未須悽惋話彫年

倦遊祇有囊詩錦試為高人一笑開當日留題海山寺  
旋聞石刻暗莓苔

精藍端未下雲居況復僧中有後湖理障禪那俱坐斷  
頗嘗遊戲到詩無

同徐呂二子遊西湖復次前韻五首

老去胡宜誓酒卮興來破戒為君持自今排日花間醉  
報答春光已後時

林僊金骨閼丘墟松自蕭森鶴自孤靈魄在天聯傳說

遺書落世仰潛夫

僊祠佛舍碧山邊  
扶路逢人有醉顛  
火急向渠分此樂  
徐郎多病我衰年

醅釀芍藥借春回  
似解商量陸續開  
安得玄霜著花骨  
不教容易染蒼苔

天分天上靈河水  
圍作錢塘千頃湖  
未有風亭花月觀  
已誇勝境世間無

次韻答壁侍者五首



佛屋連延跨翠微  
看雲手版向曾持  
重遊不是尋春去  
冷眼漂花捲絮時

獅子窟中獅子子  
孤羣懾怯更清孤  
當場不作春雷吼  
底用吟詩壓老夫

他日山行不喚船  
浪花如雪北風顛  
而今已苦山行熱  
却辦鴟夷餉長年

為向詩翁致命回  
定應禪老笑顏開  
盤餐要是隨宜飽  
畧具油葱市海苔

欲買青山貸寓居時臨絕頂瞰平湖已容下榻煩重問  
肯念吾貧折券無

題趙景安二亭

尺五二首

山亭縹緲五雲連瑞靄靈河最近天當念江湖吏塵客  
舉頭見日獨悽然

僊樂慣常醒醉夢市香不斷襲衣裾何須更羨城南杜  
丹地黃扉即詔除

雲濤二首

坐看銀山捲壞雲，濤頭蜚過不逡巡。  
世間壯觀何人領，付與亭中筆有神。

閨杳每疑神軸動，撞唐更恐日車翻。  
憑欄待得波聲寂，擘絮依然掛海門。

景安和章來再次韻謝設醴四首

竭來取友得三賢，安石仁風樂廣天。  
七字不應呈此拙，詩腸老去已枵然。

道裝人映醉中姝十二分行儼翠裾  
遙想翻堦麗清禁  
似今羣豔筵庭除

玉盤盂側玉為人插羽瑤觴不計巡  
想送客歸回醉  
司花來夢闥精神

拜賜清詩醒醉昏恍如帝所聽新翻  
君才炙輠無窮盡  
未敢先闕月下門

徐南卿友竹軒二首

皺縠香羅裹瓠壺此君高韻豈其徒  
蕭然相對心莫逆

敢謂徐郎山澤臞

嘯風含月近窓扉  
金鎖瓏璁鳳尾齊  
況復賴君相引重  
一時同作辟塵犀

即事二首

澄園山擁碧峻嶒  
二載房陵冷似冰  
今日皇皇空載質  
令人翻憶在房陵

形容骯髒水雲宜  
心意闌殘欲語誰  
不作貴人炎冷面  
北山逋客最相知

再次韻趙景安四首

迂儒法士就鷄連猶復拘拘詫甕天度外有人能好客  
一樽容我賦超然

艷粉奇葩照座隅更闌醉墨點襟裾詩成平處猶元白  
無限羈愁賴破除

平時一飽每從人自庇官曹等徼巡且可放狂中酒聖  
冷看得意詫錢神

酒濃勝得晚天寒雲氣侵帷水墨翻蘭蕙香前還判醉

不須投轄鎖重門

再次韻四首

或勸長翁圖分長安  
栗逕投議幕歸故作

公朝已後茹茅連幕府偷閑亦所天寵辱肯為差別觀  
道人隨寓祇怡然

作吏丁年熟李書調官晚境曳鄒裾平時外慕生災怪  
嘉遁爰中有後除

到眼浪岐官冷熱遇人傳得酒逡巡曼容東老俱通夢  
不勸趨榮勸養神

頗有傳詩問子山或將贊易譽虞翻先生不乏醺酣笑  
問字能無款席門

苦雨次前韻四首

雨脚波頭遠接連衣寒礎潤犯梅天誰憐旅食溜塵客  
日間珠炊與桂然

墨雲篩雨密還疎欲出塗泥恐濺裾惡況橫陳費料理  
枯棋濁酒有驅除

安排看駕趣遊人禁籞猶遲漢帝巡留取晚香天一笑



倩誰寄語主林神

騷窳松筠聽夜喧  
淙潺盆盎駭朝飀  
哀翁危坐追交態  
舊雨軒車尚到門

四月望再遊西湖十首

前時小舫冒氛昏  
重到輕橈破麴塵  
湖面風煙飽姿態  
一番到眼一番新

傑屋修垣著畫圖  
連連勝士逸人居  
乘閑我亦無羈束  
竹杖芒鞋信所如

疇昔相期襍被來飯餘歸意類擠排蘋風蘿月孤清夜

僅見山間結夏齋

充老要宿山間  
以事不果留

杖挑初日闔雲關忽報充師早下山煮茗譚詩有賢子  
免教題鳳悵空還

十字街頭托盃孟鴈鵝食口待朝脯我來欲序睽違意  
要問揚州米價無

定結諸山粥飯緣每歸留得杖頭錢穿雲更欲攜君去

布水多煩為我先

穿雲布  
水俗語

堆青泛碧放船篷萬里風前鶴髮翁絕境滿前官不禁  
此身未省歎塗窮

春光陸續委東流看到湖邊安石榴更與蘇堤鷗鷺約

辦舟來賞牡丹秋

俗目芙蓉  
秋牡丹

歌呼浩渺翠霏間祗苦詩才老坐慳安得觀音毋陀手  
為人千紙寫湖山

橫遶縱徑平如水無復衝泥防險人儻使人心盡包叟

世間何向不通津

是日遊靈感庵庵主包  
道人砌南山街畧遍

次韻楊宰食野蓮

小嘗紺蒨掉吟頭  
覽社湖陰風露秋  
仙實休誇華峰頂  
吮霜嚙蜜亦其流

次韻楊宰捕蝗宿允巖四首

歸來聞道頗休閒  
蝗事今隨暑氣殘  
我欲一樽供軟脚  
還能衝雨過蘇端

旱蝗蔽土翳雲空  
遙想驅馳逐轉蓬  
端坐賴君醺一飽  
老顏可諱發慙紅

去為民勞走險艱停驂幾問具茨山祇今欲致賢勞謝  
詩債徒能準數還

龍公私我雨霂浪釀酒須防有乞漿慙愧四鄰千萬室  
畧無笑語及時暘

弊家東莊  
近屢得雨

次韻楊宰凌霄花

高花笑屬賦花人花自鮮明筆有神可惜人間兩清絕  
不教媚嫵對閑身

再次韻楊宰七首

雪英閑澹炯雙明  
水斛泓渟碧一瑩  
小憩山村無與語  
熏爐茶鼎闔僧清

頗思菱角問鷄頭  
且放蓮房擅早秋  
蠲渴滌煩須底物  
未應接綆汲溪流

能書徒自想高閑  
煨芋何從得嬾殘  
蕭寺隨緣茶餅供  
勝譚誰為解憂端

棗釘松蘿不關供  
露蓮何啻剝千蓬  
迎秋更有蒼虬卵  
邀勒斜陽未肯紅

微吟長嘯強躋攀愁斛多於庾子山我亦豐凶關夢寐  
秋成消息待君還

驟聞行旅歎賁糧無復居人肯饋漿十襲君詩要娛老  
却愁痛定說常暘

附麗高陰暑裏春衰榮不預主林神胡床想踞僧垣夜  
却愛香隨露滴身

江湖長翁集卷十九



欽定四庫全書

江湖長翁集卷二十

宋 陳造 撰

七言絕句

題傅商卿家壁二首

表表兩卿吾莫逆青芻白飯玉為醅因循桑下成三宿  
解后花時更一來

兩卿傅商卿  
龔澤卿也

酒處清譚燭下棋歸期初未厭遲遲若為徑作翩然去

明日陰晴可得

知時兒有訊初三日過華  
村予以及曉先一日去

題彭尉軒壁三首

小軒肯許置琴書  
客邸僧垣總不如  
豈但郎君可棋酒  
舊便江水煮江魚

覽社家居水四環  
房陵官舍祇重山  
客中一旦兼雙美  
山影江光衽席間

軒成首作梅仙客  
再到園池更可觀  
日有脊令栖小樹  
時看鷄鵲下前灘

題吳子隆兼隱二首

盛吉低眉亦問囚不疑斷獄但春秋定知小試皮鞭罷  
却喚樵青薦茗甌

元亮官居亦松菊次山生事有苓簪酒如欸乃聲中醉  
目向平反笑處青

次韻張守仲思食車螯

斥除介甲更加鞭雋永豐腴舊所便螳弟蛤兄從倚市  
車公酒處信光前

寄趙宰三首

同趙子野吳子隆趙楊子登頰江樓小酌楊子以約客之北山先躍

馬去急  
筆賦此

潁江山水簷楹外壯觀風煙畫軸中詩客去留俱不惡  
緩搖吟轡倚天風

猛士語難熊虎樣畫樓山立水雲間雄豪等作詩家助  
酒處吟牋莫放閑

北山何意阻清遊似為江山挽得留客未言歸君好事  
此盟端肯再尋不

學宮諸生飲邀予與子野同之三首

同筵儒宮把一觴  
鹿鳴伐木奏深堂  
要防技癢論文地  
莫憶前宵放酒狂

少日峨冠英俊場  
課餘觴詠共徜徉  
孰知薄宦江湖去  
頻夢爐亭餅飪香

忍飢不嗅嗟來食  
強項從教俗子嗔  
乘閑甘作不速客  
好事無非我輩人

登頰江三絕趙宰增為四復次韻荅之

泛香樽俎飛雲上  
着色江山泚筆前  
乾鵲鳴鳩共晴晝

長紅短綠各華年

右追和

流光何忍太忽忽一段清歡歛夢中  
賴是緘藏玉雪句  
老人他日苦頭風

兩豪揮筆對江山  
恠底風蜚齒頰間  
雕虎未馴金索緊  
長鯨已鱸釣竿閑

兩夜北風吹石裂  
雪神驕蹇更淹留  
羈人坐歎肌生粟  
媚白妖紅耐此不

東園北寺非無約瘦骨禁寒未敢前寄語驚風并急雪  
多情多感況中年

贈相士潘翁二首

平時鏡裏笑頭顱道我為官已近諛但遣餘年猶甲子

不妨絳老尚泥塗

翁謂予頗壽

涼涼寂寂不關天自詭詩窮五十年君比老夫癡又甚  
更教斲句當行纏

題乾明寺壁

用趙子野韻

不待車輪四角生欲行還駐為交情又成一笑淥樽晚  
詩卷竹風相與清

題栢氏壁二首

二月二十七日

客裏春光似許忙還家餘幾酒邊狂  
酴醾芍藥芳期在不問蕪菁滿意黃

夢覺號呼擲鷄風忽驚膚粟似深冬  
淒涼斂白收紅後賴有春醪琥珀濃

次梁教授見貽韻五首



紅塵半世僅緋衫  
白首官曹兩換銜  
羞見淮鄉隱君子  
紫芝黃獨老嵌巖

沐猴豈合纏章服  
野馬如今脫轡銜  
屈指悔來坡下路  
瘦筇隨客上巉巖

誰向仙曹接勝譚  
金泥天篆署冰銜  
如聞不惜蜚霞佩  
乞與耕莘與築巖

藏室仙經玉作函  
一編當復翠鸞銜  
即今尚喜觀書眼  
月射清池電耀巖

敝帚千篇漫手緘分無三字入官銜消磨不盡干雲氣  
時作長虹貫夜巖

喜雨口號呈陳守伯固十二首

旱風蟲孽久挺灾好雨如今陸續來誰道天人不相與  
青章解挽帝心回

共說邦君禱雨時盡如疾痛切膚肌公心一片秋空月

可但圓通大士知

使君近請  
觀音祈雨

未明出作夜深歸敢怨今年雨後時豈獨旱杷全好在

晚秧不死尚堪移

淮鄉散種  
日以旱杞

醯壇初上水沉煙  
甓社龍公敢晏眠  
為建清泠三萬斛

坐令翠密舞中田

貨絕交通腹殷雷  
人家一雨便春臺  
即看商販接踵集  
已有米船銜尾來

錢輕幣重病吾農  
未有奇方起困窮  
粗遣年豐官糴粟  
少令錢幣各通融

使君手有垂雲帚  
虐魃妖螟掃不餘  
十頃飛蝗戴蛆死

已濡銀筆為君書

是夏凌塘飛蝗十頃許忽至人方  
憂懼繼皆抱草死一蛆食其腦

癘疾流時囊探丸羸瘡十九得安全再煩起死回生手

挽作山城大有年

邦人苦旱日呻呼公比邦人更瘠臞賀雨歸來人競問

邦君今日解顏無

得句聊將頌作霖開樽亦復陋孤斟南亭舊約何時踐

志喜從公更一吟

歲收粗足蟄飢雷不賴門生送酒杯坐遣將軍捫腹笑

端知此惠有從來

雨後郊原小杖藜  
行人相語各伸眉  
即今極目如雲稼  
曾是蝗蟲蓋地皮

漫與

與世端如上瀨船  
還家稍辦買山錢  
松風吹斷蓬瀛夢  
詩酒淋漓送暮年

跋簡齋二帖

夜光一百八十七  
簡齋三進劄共一百八十七字  
有底六丁忘下收密

勿端知紫皇側鎮攘猶計子孫謀

無題

多譽庸非蠲忿草一謙良是辟兵符先生警效忘鷄口  
俗子過逢動虎鬚

陳君美許仲和赴省病不能出餞以二絕句

修程快著祖生鞭勝日同乘李郭船自愧不能扶病去  
郭南亭上看登仙

何人把酒送揚舲定復從容柳下亭共說歸時柳陰合

與君衫色闢青青

春暖贈梅喜作二首

晴日烘開粟玉葩  
嬾隨霰雪送年華  
淮鄉地冷開雖晚  
竟是人間第一花

手撚芳枝酌渌樽  
東君乃有發生恩  
即今春暖銅瓶水  
羅幙圍香共晏溫

遊山陽十首

予於山陽似有宿契頻遊焉遊必久留丙戌正月以事再到成十詩

觸事感懷隨得書之遂無倫次

山陽城外艤舟初先問黃公舊酒壚空有向來觴詠意  
歲華不貸白髭鬚

邗溝帆席即長淮鬚未霜時慣往回絳縣老人今若此  
此生更復幾番來

官池二十四鴛鴦錦綵爭鮮伴醉狂翡翠有兒知更好  
幾時飛到酒樽傍

玳筵當日小紅裳珠壓雙丫十歲強回首方知但青子  
胡琴聲裏怨茶商



故人不復倒奚囊但有荒阡蔭白楊魂定可招吾得已  
試吟楚些命巫陽

高郎胃次著瀟湘亭枕城闌野趣長我欲亭西分一曲  
白鷗波外自鳴榔

會看亭下水涵空  
菡萏香中理釣筒  
北道主人吾有託  
不應獨饗北窓風

多許金釵換好辭  
長巾短帔縷金泥  
老來詩力知何似  
細訪香羅驗舊題

劉伶臺畔酹金卮寂寂荒丘帶晚暉今日先生不能飲  
婦言屏棄未為非

熙臺楚觀小開樽老去登臨易斷魂蹠血龍荒平昔志  
即今搔首望中原

招山陽高徐二生飲二首

梅花時節屢開樽欲贈梅花欠可人今日有人梅樣好  
遲君同賞雪中春

欲作山陰興盡回良思與子共銜杯要須人境俱清絕

好抱瑤琴踏雪來

題因老松江煙雨圖二首

遠峰近薄鑑中浮  
每泊行舟十日留  
雨望晴臨俱不惡  
最憐煙靄暝高秋

千里湖山宿霧昏  
倚欄一筆解平吞  
漁郎好在收綸罷  
想踞筇筓共一樽

題因師百鴈圖二首

蓼灘蘆渚好徜徉  
肯便雲天去作行  
未用選奴防夜燎

不妨結伴傲晨霜

聞道崔公作蘆鴈端如莊叟玩鯨魚  
騫翔啞唳妙百態君看老因槃薄餘

題因師蒲桃圖二首

因師寫物三昧手公取天機付筆端  
坐想瑛盤分磊砢憶嘗貝齒冰去聲甘寒

晶熒壓架紺珠圓苒蒨紫風露葉鮮  
病酒人方渴羌似為師開卷忍饒涎

八月十二日夜偕客賞木犀八首

冰蟾蜚下一天霜  
領畧巖花旖旎香  
我亦小園清絕處  
與君同命醉為鄉

謝蘭潘璧少年場  
玉麈金罍度夜央  
老子遽能忘此興  
且容投杖喚胡床

朋來濟濟盡嘉賓  
飲興翩翩笑語真  
絕勝謫仙邀月醉  
當時和影祇三人

露顆零空沍欲冰  
風姨收盡晚林聲  
金波冷浸山河影

直為高陽酒伴明

哀懷對客便超然病骨枝梧勝去年未作槌腰摩腹想  
尚堪涿蟻翠蛾前

客間那不笑翁癡酒處猶須古錦為不道詩成還玉雪  
聊憑一解桂娥頤

人間雨恨更雲愁月殿僊娥替汝羞試酌此觴堅後約  
與人晴霽作中秋

酒邊先起未須扶猶聽槌床擊唾壺風月撩人成不寢

隔牆却擬應歌呼

曉枕二首

兩鴨驚鳴轉五更  
幽人宿酒未全醒  
小軒祇似孤舟上  
憶得霜湖帶夢聽

銅丸驚破將軍夢  
銀箭催登朝士車  
老朽布衾酣曉暖  
晨烏夜鶴莫愁予

書城北尼庵二首

時觀諸公射

小搖蛇影鳥驚墮  
已落背毛牛自如  
曹欲分朋慙老病

與渠甘作典籌舒

諸郎弓力勝黃間中戟穿楊氣貌閑樂府新傳朱鷺曲

看君飛矢下陰山

漏澤院四絕句

偕羊統制三臧二孟射于漏澤園寺主置酒為賦

雪翎如扇十鈞弓霹靂聲前玉笋空人似堵牆爭指似  
少年場裏著衰翁

雋遊分破北窓眠笑撚吟髭看控弦久袖飛馳銀管手  
為渠塗改角弓篇



將軍弓力今年侃病渴歸來似長卿抹羽尚堪支十槊  
憶看銜尾餓鴟鳴

粹公頗似廬山遠美酒還因我輩沽想得靜看豪飲罷  
一燈彌勒伴跏趺

題墳庵壁四首

餬口卑官似不逢解將觴詠當千鍾劣優何似隆中叟  
投老歸來作卧龍

損益纔通理洞明不應知死異知生惜無人把宣尼語

說似當年尚子平

鍾鳴已飯尚來遊竹好排門不待求  
爭席饋漿吾不計此身滄海信虛舟

寂寞江湖吏隱翁平生純默養胸中  
即今技癢餘詩癖時眩晴霄作綵虹

東莊小留四首

南陂荒蕪已成圍北墅田租頗應期  
兩地徑規槃薄地小為庵屋大為池

夾溝欲插柳千株  
遠舍先營五畝蔬  
供爨禦冬須次第

西歸新得務農書

是書得之歸州

親朋樽俎日周旋  
無恨歡情到酒邊  
底許擠排作尊客  
祇令撫已歎衰年

接屋連牆翠密中  
炊香羹玉飽過從  
人將逋客為同社  
地與斜川作附庸

雨中題栢氏壁二首

行尋詰屈躡崎嶇  
已謝鄰翁果下駒  
北走松楸無數里

杖藜筋力尚枝梧

蘇端頗慣招新客御叔何煩訝聖人未用平章舊新雨  
一樽聊喜對情親

次韻楊宰愛竹

看竹排門愛靚深青青不受雪霜侵誰知倦客幽尋去  
老越風波亦此心

次韻楊宰思庭竹

數尋脆碧裊輕陰歲不知寒暑不侵屬厭吟風仍嘯雨

盡收縣解入琴心

寄郢州崔守八首

陽關聲斷酒盃殘  
昨夢回思變暑寒  
七見蟾蜍作圓缺  
四馮鱗羽問平安

嘗記停驂古郢州  
待晴曾是賈胡留  
錦囊亦有陽春句  
不得親題白雪樓

時以雨且忽忽  
不曾登白雪樓

楚郢繁雄亞上都  
莫愁風韻未應殊  
小園依舊深紅色  
曾辱遨頭載酒無

碧香當日薦金船桑落宜城不直錢一自黃堂沉醉後

至今追憶尚流涎

是時黃堂留飲次日酒甚佳自釀云

別乘修程驥駟馳書來猶肯記衰遲每思膠漆班荆地

敢忘風波在莒時

同黃倅舟行之官共經風波之畏

雍郎高韻似文同水墨仍參二米風解寒山川歸短幅

可能陸續寄來鴻

將軍競病舊能詩黃絹于今玩色絲何日酒兵鏖筆陣

未應羽檄諗交綏

牙板聲中斂翠眉時應歌我遣懷詞豈知薄宦飄零去  
無復風情似舊時

送吳子隆節推之官信州五首

人生窮達後愚賢宦路何妨小著鞭三釜吾今嗟弗洎  
奉親東下羨登仙

行行幕府泛蓮初井井官曹遊刃餘當路急賢飢渴似  
不須街袖子公書

共把離杯柳影邊柳枝如線拂歸船枝枝似恨人輕別

顰不成眠更可憐

幕中婉畫得斯人郡政應從到日新銀鑛金苗休刺口  
祇將耕稼富州民

連城照乘動分珍他日詞壇著散人詩筆有神官有暇  
楚鱗燕翼要頻頻

次程平叔韻二首

戊三月二十日南徐水教陪  
程同年登金山繼遊西園置

酒程有  
詩次韻

故人常嘆別時長一笑眉開色便黃  
領畧西園好風景



憑君更喚郭汾陽

同年折簡  
郭統制

詩情對景可勝長酒與鵝兒闌嫩黃忠貫主人真好事

肯來嘗省沈東陽

郭侯即時至郭  
有堂名忠貫

閩水教次前韻

戈船干戈截江長殺氣氛昏日氣黃江畔詩翁泚椽筆  
射蛟無復羨樅陽

程言聚散有感次前韻

不須勸醉翠眉長莫問何時腰下黃騰喜相逢各强健

免教聞笛賦山陽

羣芳圍坐引盃長  
滿目深紅間淺黃  
寄語東君好憐客  
水西花外慢頽陽

垂柳搖絲千尺長  
柳陰深處轉鸝黃  
把杯借聽歌聲醉  
絕勝酸寒尉溧陽

步趁遊人歡意長  
誰交鶯燕強雌黃  
憑欄凝佇多佳麗  
底羨簪花醉洛陽

再次韻

平叔吾南道主人酒處吟詩遂成  
巨軸後章褒予太過作詩謝之

掉鞅詞場缺寸長端如策蹇趨蜚黃彌明小貸凌侯喜

太白猶堪客紫陽

六一作李白詩  
乘雲紫陽家

微風不放浪紋長  
噉暖跳魚三尺黃  
祗欠高荷護千戰  
醉粧濃艷媚斜陽

再次韻

程同年之子與予孫床侍  
側不應詩不及之用韻

二子峨冠共我長  
即看紫綬映銀黃  
不須握手論家譜  
更舉宣尼與伯陽

用孔融事

次韻贈郭侯

郭侯智勇兩俱長驛騎何時詔檢黃

闕

看君萬旅出漁陽

侯拉客歸置飲再次韻

將軍恩意為誰長酒未闌殘日脚黃儻有春風四絃手  
真成留客醉潯陽

趙通判有詩次韻二首

霍闕無短似無長驚見新詩寫硬黃魚在九淵終玉食

世間濡足羨浮陽

趙宗室  
詩後出

短歌對酒不能長猶勝車塵撲面黃我自關門寶崇鼎  
從渠晞價尚咸陽

吟詩自笑用前韻

文字光騰萬丈長錦官老杜豫章黃投荒忍死經人鮓

討飯充腸上岳陽

南昌詩我雖窮至骨猶勝杜陵  
老憶昔上岳陽一飯從人討

退歸我欲學真長君定才名江夏黃考父舊嘗晞吉甫  
陵陽端的嗣黔陽

病起二首

老去難堪痼疾纏支離甘受衆人憐出門定被將迎困  
緊閉風窓聽雨眠

舞席歌筵自闊疎麴生久送絕交書平生嗜好消磨盡  
留得枯棋了索居

口號十首呈程殿撰

白璧明珠每墮前續貂輒復聳雙肩一從歸作漳濱卧  
不寄詩筒恰五年

歡意長隨夜漏長隆寬盡貸酒邊狂東歸祇有南窓夢

夜夜掀髯錦瑟傍

八月襄城暑始回水仙爭趁玉梅開當時二物知天意  
共報公家福鼎來

芳信飛來自月官月中桂茂劣能容素娥封殖非無意  
準擬公家不盡供

福地常披十幅圖仙翁隱處玉為壺九華山側雙峰下  
還許儂分半席無

郎君衮繡照鴛行詩老時須住帝鄉即見翹材闢新館

預應綠野敞深堂

公家昆季盡時賢叔也驂騑擬度前書諭親庭先靜退  
至今文采照林泉

童顏緩緩閱莊靈鬢影青青表帝庭後四六年同此夜  
台星光映老人星

故人折柳送東轅不羨當年李郭船囊錦鴟夷有供給  
自疑身是御風仙

帝所鄉關等是家奚囊納納盡天葩西湖久待公題品



莫遣波神妬九華

題史髯詞卷二首

方朔歲星仍客星  
竊桃他日太狂生  
幾時又泛靈槎去  
平掇天孫翠織成

南風未蟄浙江波  
倦客閑愁似許多  
安得雙鬟如阿素  
紅檀聲裏酌金荷

贈包道二首

靈應庵呂公齋  
包公留飯作

吟風嘯月是真常  
何處無何更有鄉  
我與呂仙俱不死



靜看烏兔幻炎涼

何妨塵外却塵中  
風舞寒漪月印空  
洗鉢與渠同一飽  
未憂交臂失回公

暮春泛西湖次口號韻呈程待制十首

客舟日日野芳前  
鷓鴣鳴時始息肩  
無絮可漂花可藉  
良辰樂事屬明年

湖山引興尚能長  
小貸詩愁放酒狂  
蝴蝶應憐落春後  
無聊時近綠樽傍

重到西湖可便回前年待得水芝開憑君問取閑鷗鷺  
親見跳珠濺客來

幾飯南山佛老宮詩昌譚勝每春容不妨重就山間宿  
蔬筍香茶未闕供

何須履道寫新圖不用悲歌缺唾壺巖壑清奇皆我有  
利名韁鎖何來無

老來已謝著書忙但何清遊訪睡鄉寄語深師與包叟  
可無客枕假雲堂

深賢僧包知堂道人予與之熟

行行撫事念前賢修竹祠西碧嶂前不復船歸下雙鶴  
空緣酒渴酌寒泉

已規觴詠了餘齡徑自無何到大庭左界何人與調護  
酒星移近少微星

擺矮欄干錦繡筵欄邊仍泊女郎船凭欄笑指元真子  
不是詩仙是酒仙

詩到雙峰自一家紛綸仙卉雜天葩幾時共載西湖去  
千紙看公寫物華

題濟勝七物

一拄杖

驚蛇却犬破莓苔  
筇竹隨公幾往回  
龍化葛陂應未忍  
為扶衰病作陳雷

二扇

何人月樣剪霜縑  
改就新詩却自題  
為惜持盃折花手  
免教遮日步蘇堤

三錢篋

與人替得杖頭閑  
日日蓮塘柳岸邊  
爛醉質衣吾不問  
歸時猶有買舟錢

四筆囊

毛錐老去未輕投  
草帶羅囊特命收  
準擬西湖持酒處  
偕翁濡首破詩愁

五酒榼

相從有命每傾舒  
不寄轅端即坐隅  
肯落蘇家慳婦手  
深藏云待不時須

六釘鞋

幾步山間屬雨餘  
徐行猶可當安輿  
計功高出芒鞋上  
傍險衝泥得屢書

七村童

貌野言儻却近真  
客前疎畧不能嗔  
折花替我簪紗帽  
看竹須渠問主人

題史髯詩卷後二首

平生一士萬金多  
更恨詩人餓澗過  
羈旅忽成開笑口

軟紅塵底得陰何

腦脂侵眼耐昏眵詩卷猶便小字題  
浪信奇方須損讀  
即今刮膜勝金篦

寄題高賓王詩後卷

韶護充庭筵漢官鋪紆宏偉歎才難  
高郎袖有如椽筆  
却伴秋蟲弔夜寒

泛湖十絕句

道終日  
愜意

荷面跳珠小濺衣酒邊團扇已停揮  
濕雲收盡人間暑



却度西山載雨歸

浦溆樓臺遠近殊樽壘隨處小踟躕高郎頗勝高常侍  
解把西湖敵孟諸

銀筆曾煩贊此君即今墨色儼如新因君細數登龍日

十九年前入幕賓

予昔掌教吳門與劉東玉提幹同官十五年矣其子牧子詩二首蓋與東

玉唱和  
墨竹也

嫩綠搖漪紅藕香雨膏煙膩午供涼西湖到眼真西子

莫信溫柔別有鄉

桃葉相逢但交臂  
李鬟何許費凝眸  
爾曹豈解文字飲  
應道吾儕輸此籌

酒邊涼意雨餘生  
望夜重期看月明  
安得水仙會事發

巧隨人意作陰晴

是日陰涼再約望夜泛湖

底許行庖旋不空  
小舟如織浪花中  
盤珍俎實隨供給  
亦有紅衣載短蓬

尋得詩人到醉鄉  
銀壺玉麈倍增光  
小囊賦就鴛鴦錦  
一路荷花別樣香

王人罷浴試梅粧  
詩客揮毫落夜光  
因病覆觴今破戒  
為渠豪飲為君狂

樓前行客競昂頭  
樓上齊聲唱石州  
袞遍實催猶未徹  
暑風晴月各新秋

次韻趙帥二首

天公一笑晚雲殘  
戲與璇穹貼白團  
試問天風搖翠袖  
玉肌何似玉笙寒

妓臺香裏漏聲殘  
金步搖歌闌作團  
羯鼓更催銀字管

等閑驚破一天寒

又次看字韻二首

誰扶壁月上天端  
雪魄揚輝桂影寒  
照見羣仙擁仙伯  
嫦娥定復轉頭看

明年屈指春來早  
定是元宵不苦寒  
十里珠簾火城夜

客來應許醉中看

帥侍有元宵約故云

陳總管坐上贈寫竹妓二首

勁節蒼梢筆底寒  
一天風雪與堅頑  
回思擁扇賓筵見

却為嬌嬈一破顏

此君寫影道機熟猶記涪翁詫子舟誰信紅衣萬鈞筆  
擬分此派嗣湖州

十五夜再次趙帥韻

嘉賓飲興未闌殘却倩纖纖奉雪團一笑舉杯邀月姊  
為渠聊貸廣寒寒

贈琴妓二首

夢中曾揖蔡文姬焦尾親傳半夜衣莫向詩人彈別鵠

免煩哀泪對君揮

千紙爭傳戛玉詞  
一庭渾卧借書瓶  
從今有問新知識  
徑說江城女項斯

次趙帥喜雪韻

府公憂國雪神知  
三白呈祥不待祈  
舊歲新年多樂事  
一時分付筆如飛

次魏知元韻三首

客中把酒挹江山  
更藉詩人為解顏  
自是交遊十年舊

向來相得立譚間

魏郎日共無喧酒舊學新詩得細論可見高情重離別  
又同一舸宿煙村

江城半月從遊樂別去知君剩有詩相望置郵三舍便  
幸能時寄慰相思

次姜堯章餞徐南卿韻二首

姜郎未仕不求田倚賴生涯九萬牋  
稻載珠璣肯分我  
北關當有合肥船

風調心期契鑰同誰教社燕辟秋鴻莫年孤陋仍漂泊  
可得斯人慰眼中

又次鈇朴翁韻四首

僧床正聽曉樓鐘客棹方占上水風喧靜未須歧出處  
與渠心事各冥鴻

聞為詩魔掩貝多辭源衮衮倒洪河遙知傳誦日千紙  
淇上高唐無善歌

婪酣貴宦鮫綃帳顛顛功名泊浪沙誰似朴翁隨分過



曹溪水煮趙州茶

幾向西湖艤畫橈  
冰奩儼受衆峰朝  
即今去鴈將清夢  
飛下長橋更短橋

次史髯韻二首

痛憶分題把酒時  
暑寒誰遣隙駒馳  
芙蓉風露梅花月  
又費騷人幾首詩

已誤西湖鷗鷺約  
客舟西上更徘徊  
故人益嘆天涯遠  
懷抱何從得好開

又次韻二首

愁為離羣老不禁詩來深得故人心  
自摩病眼添沈炷  
滿紙晶熒翫碎金

向來湖上扶攜醉  
醉裏清吟雜雨聲  
此去淮西望京國  
詩邊酒處若為情

次韻趙帥蠟梅

窻底閑尋斷續香  
貼金誰此憩風裳  
漢姬嬾赴昭陽燕  
宮額塗成却覆觴

寄趙帥三首

揚州燈火萬家春誰著詩翁寂寞濱  
舊臘新年無好況  
何須更問紫姑神

銀鈎滿紙墮荆扉樂事如今與願違  
撫已可憐多病過  
憶公深愧食言肥

先生列館似翹材慣見瓊筵為客開  
夜夜元宵日寒食  
一春儘可廁鄒枚

再次韻趙帥見寄三首

枝撐強趁火城春蹤跡猶煩問水濱更醉南州好紅紫  
凝香詩伯是花神

前歡已悔東隅失後約如前敢再違連夜揚州昔年夢  
小梅清瘦杏花肥

倏晴驟雨寒猶在約勒羣芳未盡開銷得燕堂千杖鼓  
旋看錦纈褰條枚

題杜彥敷山茶

丹艷濃粧媚晏溫誰招妃子醉時魂此花信出此君下

那有詩人來叩門

次趙帥韻三首

眼眩如看九色霞  
女膚側理字棲鴉  
挽回春事憑詩力  
留住風林欲褪花

遊人笑語問朝霞  
處處相隨攫肉鴉  
上冢歸來更乘興  
醉依柳影藉梨花

詩仙催客共流霞  
不待高城噪晚鴉  
好競春光醉良夜  
即今庭院已飛花

次韻趙帥寒食四首

瘦島寒郊祗外臣，先生俊逸更清新。  
勸耕小出仍寒食，

賸辦新詩報答春。

是年寒食勸農

日佩詩囊侍貴臣，何人肯作白頭新。  
自今歌酒追隨去，

猶有風煙一半春。

得詩乃二月望

散吏容陪漢鼎臣，隆隆恩意為誰新。  
重來畫戟凝香地，

爛醉瓊枝壁月春。

昨夕帥出家姬痛飲

夜雨勾芒正主臣，晴雲暖靄曉來新。  
小輶徑趁遨頭去，

共醉郊園爛熳春

次韻趙帥

平山已自勝超然  
況復鶯花二月天  
管領鶯花屬仙伯  
不應草草賦歸田

十絕句寄趙帥

柳堤陰裏放船開  
識面人家首屢回  
莫訝春陽浮大宅  
新陪詩伯唱酬來

一片飛花到客襟  
當時便有惜春心  
即今歸路慵擡眼

紅影彫疎綠影深

款陪仙伯燕池亭不但新詩老眼明  
鼓吹激天飛鳥墮旌幢點水睡龍驚

金田碧野把盃前飛騎鳴笳籥玳筵  
五百年來逢此樂府公今續謫仙絃

豪竹哀絲薦玉觴羽衣仙袂儼分行  
酖顏一為東君笑媚白妖紅不敢芳

醉中記得新翻譜土苴梁州笑石州  
火急歸來傳好事



為渠一洗世間愁

從公日日醉中歸  
挿鬢長分最好枝  
舊約何如趁新約  
浪言燈夕勝花時

子駿福星方久照  
漁陽竹馬省相迎  
他時薤水休重問  
市虎晨羊各用情

訟戶無聲日燕閒  
驅馳風月笑譚間  
自今玉海添新集  
與繼當年大小山

每上平山把酒卮  
海鴻泉驢滿烏絲  
風流人物詩書帥

萬字千鍾更屬誰

次韻趙帥五首

趙送牡丹瓊花露見招


平時花酒費詩催  
塊坐愁城誰為開  
六輩妖姬十從事  
先生親遣斬關來

前知紅藥翻堦處  
別許金腰一朶開  
名在金甌花會得  
即看飛詔下天來

一昨波光修禊事  
賓奩俯枕玉奩開  
重遊鷗鷺應偷眼  
定記曾陪杖屨來

紅藥主人修月手  
涿樽許為故人開  
肯教客子如王式  
一聽驪駒却悔來

南遊可待再書催  
芍藥酴醾陸續開  
看自花開到花落  
紅藥時候却歸來



江湖長翁集卷二十